

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 119. vanrednoj sjednici održanoj 07.08.2025. godine, donijela je

UREDBU
O IZMJENAMA I DOPUNAMA UREDBE O PRAVILIMA
KUĆNOG REDA I RADNOM VREMENU U
KANTONALNIM ORGANIMA UPRAVE

Član 1.

(Izmjena i dopuna člana 18.)

U Uredbi o pravilima kućnog reda i radnom vremenu u kantonalnim organima uprave ("Službene novine Kantona Sarajevo", broj 38/22), u članu 18. u stavu (1), iza tačke f) interpunkcijski znak "tačka" zamjenjuje se interpunkcijskim znakom "zarez" i dodaje se nova tačka g) koja glasi:

"g) savjetnici nosilaca funkcija."

Član 2.

(Izmjena člana 22.)

Član 22. mijenja se i glasi:

"Član 22.

(Radno vrijeme)

- (1) Puno radno vrijeme zaposlenika u organima uprave Kantona Sarajevo iznosi 40 sati sedmično i raspoređuje se po osam sati na pet radnih dana, od ponedjeljka do petka.
- (2) Ukoliko zaposlenik radi sa nepunim radnim vremenom, trajanje i raspored radnog vremena utvrđuju se aktom kojim je zasnovan radni odnos zaposlenika."

Član 3.

(Dopuna člana 23.)

U članu 23., iza stava (5) dodaje se novi stav (6) koji glasi:

"(6) Zaposlenik koji radi sa nepunim radnim vremenom a koji, u skladu sa aktom kojim je zasnovao radni odnos, radi duže od šest sati dnevno, ima pravo na dnevnu pauzu u skladu sa odredbama ovog člana."

Član 4.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-41915-31/25

07. augusta 2025. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 119. vanrednoj sjednici održanoj 07.08.2025. godine, donijela je

ODLUKU
O DAVANJU SAGLASNOSTI JAVNOM PREDUZEĆU
NOVINSKO-IZDAVAČKA ORGANIZACIJA "SLUŽBENI
LIST BOSNE I HERCEGOVINE" NA PRETPLATNU
CIJENU ZA "SLUŽBENE NOVINE KANTONA
SARAJEVO"

Član 1.

Daje se saglasnost Javnom preduzeću Novinsko-izdavačka organizacija "Službeni list Bosne i Hercegovine" na pretplatnu cijenu za "Službene novine Kantona Sarajevo" za drugo polugodište 2025. godine, u iznosu od 80 KM, koju je utvrdio Upravni odbor ovog javnog preduzeća.

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-41915-32/25

07. augusta 2025. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 12. Odluke o osnivanju Javne ustanove "Centar za napredne tehnologije u Sarajevu" ("Službene novine Kantona Sarajevo", broj 28/18, 6/19, 19/23 i 22/24), Vlada Kantona Sarajevo, na 119. vanrednoj sjednici održanoj 07.08.2025. godine, donijela je

ODLUKU
O DAVANJU SAGLASNOSTI NA PROGRAM RADA
JAVNE USTANOVE "CENTAR ZA NAPREDNE
TEHNOLOGIJE U SARAJEVU" ZA 2025. GODINU I
FINANSIJSKI PLAN JAVNE USTANOVE "CENTAR ZA
NAPREDNE TEHNOLOGIJE U SARAJEVU" ZA 2025.
GODINU

Član 1.

Daje se saglasnost na Program rada Javne ustanove "Centar za napredne tehnologije u Sarajevu" za 2025. godinu i Finansijski plan Javne ustanove "Centar za napredne tehnologije u Sarajevu" za 2025. godinu.

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-41915-33/25

07. augusta 2025. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 17. Odluke o osnivanju Javne ustanove "Centar za napredne tehnologije u Sarajevu" ("Službene novine Kantona Sarajevo", broj 28/18, 6/19, 19/23 i 22/24), Vlada Kantona Sarajevo, na 119. vanrednoj sjednici, održanoj 07.08.2025. godine, donijela je

ODLUKU
O IZMJENAMA I DOPUNAMA ODLUKE O
KRITERIJIMA ZA IZBOR I IMENOVANJE
PREDSJEDNIKA I ČLANOVA UPRAVNOG I
NADZORNOG ODBORA I DIREKTORA JAVNE
USTANOVE "CENTAR ZA NAPREDNE TEHNOLOGIJE
U SARAJEVU"

Član 1.

(Izmjene i dopune člana 2.)

- (1) U Odluci o kriterijima za izbor i imenovanje predsjednika i članova Upravnog i Nadzornog odbora i direktora Javne ustanove "Centar za napredne tehnologije u Sarajevu" ("Službene novine Kantona Sarajevo", broj 45/18, 49/18 i 12/19) u članu 2. stav (2) tačka d) mijenja se i glasi:
"d) da kandidat i/ili njegov bliski rodnik nemaju poslovnu saradnju sa Javnom ustanovom, a koja podrazumijeva novčanu naknadu, osim primanja po osnovu radnog odnosa kandidata;"
- (2) U stavu (2) tačka f) veznik "ili" zamjenjuje se veznikom "i".